

胡文忠公遺集

胡文忠公遺集卷三十九

長沙鄭敦謹

編輯

湘鄉曾國荃

遵

旨籌撥京餉分批起解疏

十年十月初

八日督發

竊照本年九月二十八日準兵部火票遞到軍機大臣密寄九月十八日奉 上諭昨因用項浩繁部庫未裕業經諭令戶部將各省應解京餉迅行咨催現在撫局定議映拂兩酋業已互換和約惟尚有償給兵費部庫無款可籌自應由各省迅速籌解以濟

要需著直隸山東河南各解銀二十萬兩山西陝西
各解銀三十萬兩湖北湖南四川各解銀十數萬兩
無論何款趕緊籌撥委員星速兼程解京赴庫交納
銀兩一日不到卽喚拂一日不能退兵京師根本重
地事係安危該督撫藩司等共濟時艱諒不能膜視
也將此由六百里密諭恆福清盛賈臻常績譚廷襄
官文胡林翼翟誥崇實並傳諭文謙知之等因欽此
伏查喚拂爾酋稱兵犯順挾制多方要求無厭臣等
職任封圻未能提一旅之師直埽逆氛以紓君
父之憂偉棟莫名現在撫議已成祇須償給兵費雖

鄂省征餉支絀萬狀第 京師爲根本重地安危所
系分應竭力籌解其濟時艱飭據藩司嚴樹森署糧
道唐訓方會詳司庫存款無多僅有徵獲洋藥稅銀
三萬五千兩可以撥解又道庫上年漕折早已無存
本年甫經開漕尙未徵收此項解款萬不能緩自應
先其所急將庫存南折供支旂綠兵米款內借撥銀
六萬五千兩以足十萬兩之數仍俟徵獲漕折收有
歲數撥還南漕原款以資兵食除飭委甯楚補用知
縣文南邦張聲正張晉禮等分三起管解赴部庫交
納於十月初七二十七等日啟程以利進行而濟

急需並咨行河南直隸地方沿途催償安爲護送外
所有籌撥京餉委員分批起解緣由謹合詞恭摺覆
奏

請嚴催五省協餉以救飢軍疏

十月十二日

竊照安慶一郡爲吳楚咽喉江淮腰膂前賢議建省
會已數百餘年形勢控制之宜官軍之所必爭亦賊
匪之所竊踞探報逆首僞英王陳玉成現已裹脅賊
匪七八萬人於十月初二三等日蟻附桐城結營數
十里日有增加迭次挑戰蟄伏未動蓋必別有狡謀
期待大股將厚集其勢而并力以謀楚軍

臣等諳餉

各路嚴密戒備矢以破釜沈舟之志而鎮定堅忍以期力爲補救惟是楚省兵力本年分撥浙江皖南揚州萬八千餘人舍舊謀新擲前掩後所欠前敵軍餉已逾二百萬兩冬令授衣之始飢寒相迫困苦難堪前於九月初三日由驛奏懇 天恩飭催山西陝

西四川三省仍照歷年成案每月各協解鄂餉銀五萬兩並請於山東廣東兩省每月各協解鄂餉銀三萬兩業蒙 皇上逾格 慈恩奉 旨俞允

現屆一月有餘各省並無報解文書相應請 旨嚴催該五省趕緊協解以救飢軍而全危局一俟 臣

等稍可支持再行奏請停止所有援賊大至飢軍久
困情形理合恭摺由驛六百里馳奏

謹按此疏所請奉有

諭旨交署四川總督崇實等辦理

再臣於咸豐八年七月十二日在湖北巡撫任內丁
母憂八月扶柩回籍是年十一月因三河軍覆遵

旨來鄂署理巡撫印務即日帶兵駐營黃州復移
營英山本年十月十一日服闋在營釋服俟軍務稍
定再行奏請回籍補行終制理合將服闋日期附片

陳明伏乞

聖鑒謹奏

奏陳楚軍圍攻桐城疊勝並請優卹陣亡員弁

疏 十月二十八日督發

竊查桐城爲七省要道尤爲安慶咽喉背倚大山前臨重河地勢散漫週迴溝港極多馬步各軍施展較難且逆首僞英王陳四眼狗前於小池驛敗後竄往桐城布置極其周密城外修石壘數座以抗我師而賊眾較之廬江舒城皆多數倍本年四月內福州副都統多隆阿所統各軍於離城二十餘里紮營屢次出隊圍攻未能痛剿七月十六日多隆阿率馬步各營進紮通城西面三四里地方是夜該逆乘我軍新

到營壘未固於三更時分三路來撲勢甚猖獗我軍
分路迎擊鏖戰一時之久該逆敗退歸城多隆阿隨
卽派馬隊各起往東門呂亭驛一帶斷其接濟一面
督率步隊各營無分晝夜連日環攻十七至二十五
等日轟破賊壘數處斃賊無算二十六日寅刻多隆
阿派精選中營精選左營開化勝勇并飛虎左右共
六營各攜雲梯爲攻壘正兵派精選前營右營義中
茂字左仁五營伏於城外左面山後爲奇兵以制北
門便民門外兩路援賊派親兵及督標四營與建威
忠字年字等營別隊山之右邊迤西而南以防西門

南門援賊分布既定我軍鎗礮居前刀矛隨後直攻賊壘該逆礮子如雨我軍愈進愈勇毀其木城數道直抵濠邊濠寬兩丈兵勇架木而進逆眾披靡偽逆首純天燕豫天燕見事危迫手刃退怯之賊我兵乘勝拔毀木城蜂擁而上該逆從壘上用長矛直刺大刀橫砍我軍前者傷亡後者繼進參將銜花翎儘先游擊許應城花翎儘先游擊張朋山花翎儘先守備胡世明五品藍翎儘先把總湯炳照張巖喜汪若根儘先把總周正祥六品藍翎儘先外委秦均彥譚有德張順榜儘先外委石珍玉藍翎六品軍功陳占元

鄧忠友王洪勝鄧啟發余得水陳得金等首先登壘
身墜殞命副將雷正縮指揮該哨勇丁奮勇前進飛
虎左營營官都司銜守備王允昌被礮子穿入右目
屹立不退副將銜參將趙旣發姜玉順劉寶國游擊
銜都司藍斯明等督隊繼進愈戰愈力該逆抵死抗
拒而便民門又突出悍賊千餘蜂擁來援經參將王
可升陶茂林游擊梁洪勝余文科等分路馳擊殺賊
數十名該逆始敗退入城其時西門南門大股援賊
亦被西面各營擊退登壘各營見城賊已敗一呼齊
進該逆不能抵拒慌奪門走我兵四面截殺殲除淨

盡無一漏網其下面水壘牆高兩丈濠寬三丈水深
丈餘多隆阿因兵勇傷亡過多擬卽收隊副將雷正
綰參將趙旣發等謂乘此銳氣正可一鼓踏平復整
齊隊伍層層疊進施放連環鎗礮火箭噴筒同時射
入該逆慌亂失措我軍拔毀木城數道蜂擁而入豎
起雲梯渡濠登牆該逆度不能支紛紛投水各營四
面勦殺亦無餘孽此次上面石壘殺賊五百餘人下
面水壘殺賊三百餘人出城援應之賊兩面殺賊二
百餘人統計殺賊一千餘人各營哨勇陣亡數十名
受傷約計八百餘人奪獲大礮三十餘座擡鎗數十

桿小鎗百餘桿刀矛旂幟無算又多與阿查看桐城之西北隅可開地道八月十三日派精選等入營列隊城根動工開挖詎城逆由北門突出蜂擁撲營經已革總兵銜記名副將協勇巴圖魯因功績保游擊銜楊得武率隊迎勦奮力擊退而該逆於城上環施大礮楊得武左膀被礮子打折登時陣亡五品藍翎把總李良德藍翎千總楊開興六品藍翎伍富貴何敬吉外委馮光華等亦同時中礮陣亡勇丁亦陣亡二十餘人受傷八十餘人遂卽撤隊旬餘以來偵知陳逆四眼狗率眾數萬救援桐城我軍戰守機宜倍

宜慎重除諂飭各軍嚴密戒備相機剿辦外所有陣
亡員弁從征數載屢立戰功此次奮勇捐軀深堪憫
惻合無仰懇 天恩俯準將已革總兵銜記名副

將協勇巴圖魯因功績保游擊銜楊得武開復原官
照總兵銜例參將銜花翎儘先游擊許應城照參將
例花翎儘先游擊張朋山照游擊例花翎儘先守備
胡世明照守備例藍翎千總楊開興照千總例五品
藍翎儘先把總湯炳照張巖喜汪若根李良德儘先
把總周正祥均照把總例六品藍翎儘先外委秦均
宏譚有德張順榜儘先外委石珍玉馮光華藍翎六

品軍功陳占元鄧忠友王洪勝勳啟發余得水陳得
金伍富貴何敬吉均照外委例一併 敕部從優

議卹以慰忠魂其餘陣亡受傷弁勇查明分別辦理
謹合詞恭摺由驛具 奏

斬廣匪徒通賊經州縣先期拏獲疏 十月二十

八日

竊照楚軍謀皖圍攻懷桐兼防英山霍山潛山等處
山險以杜粵逆抄襲後路第楚省蘄州廣濟等屬毗
連吳皖地廣路歧防不勝防前數年斬廣爲賊久踞
莠民陷溺賊中實繁有徒刻下吳地之逆燄日見鴟

張楚境之民情尤虞蠢動是欲禦外寇當嚴內匪節
經臣等嚴飭地方官實力清釐以期式遏亂萌戒備
不虞本年五月十八日據蘄州知州彭應鯉稟報訪
聞蘄廣交界之靈東等鄉有匪徒何致祥等與該州
民人孫興榮等潛通皖逆從賊營逃回謀爲不軌立
將孫興榮拏獲供係廣濟賊匪何致祥爲首通賊約
期於五月二十八日在蘄州河岸舉事等情稟報前
來臣等以蘄廣地方爲征皖大營後路最關緊要該
逆何致祥敢於勾結皖省逆匪聚眾滋事實爲腹心
之患當卽派撥總理營務之戶部員外郎閻敬銘道

員邢高魁都司李文盛黑龍江主事成山佐領政通
等帶隊馳往會合黃州府知府周炳鑑督同該州縣
慎密妥辦適廣濟縣知縣方大湜先期訪聞密拏並
經閩敬銘等懾以兵威四面兜捕該逆等逃竄無路
先後將首逆何致祥及同謀之吳得兒徐兆林經學
來王狗兒周金魁徐瑞枝周松濤王文耀田金幅王
培績張四喜張八五龔和尙等一併拏獲並據現署
蘄州事候補知州李瑜於交界處所拏獲張正啟王
白子朱福許喜元胡立三五名署蘄水縣蔣照亦獲
郁老七一名並於何致祥家內起獲賊首偽忠王李

秀成所給黃綾文書一角列有偽銜蓋有偽印又在周金魁家內起出偽軍師木印一顆刊有太平天國前軍廣濟縣右一營軍師字樣訊因何致祥在安慶賊營最久受賊指使潛從賊營逃回起意與現獲之孫興榮等謀逆已定並同徐瑞枝吳得兒等扮作客商復回安慶賊營謀逆夾攻情形由安慶逆目偽職亮天福唐正才轉送浦口面見偽忠王李秀成說明原委領獲偽文偽印回籍招兵辦糧以爲夾攻之計約期於五月二十八日在蘄州河岸聚集起事先搶蘄州踞城設守隨後分途擄人由蘄州廣濟黃梅直

攻大營後路勝則合賊上竄敗則繞路仍歸賊營各情不諱質之各犯供詞相符立即分別凌遲斬決梟首示眾伏查何致祥等潛通安慶逆首謀襲官兵後路狡謀已深幸而迅速破獲首要悉已成擒應卽仰體 皇仁解散脅從以安反側而定人心所有在事各員先機制勝銷亂未萌不使元惡巨憝倖逃法網無誤東征大局均屬著有微勞合無仰懇 天

恩俯準將最爲出力之戶部湖廣司員外郎閻敬銘以本部郎中遇缺卽補並 賞戴花翎黑龍江員

外郎銜主事成山佐領政通均請

賞戴花翎黃

州府知府周炳鑑

賞加道銜同知銜廣濟縣知

縣方大湜以同知用署蘄州事候補知州李瑜侯補
缺後以同知用知府用本任蘄州知州彭應鯉請開
缺以知府用以示鼓勵其餘出力各員由臣等存記
酌獎除將起獲僞文僞印驗明銷燬外所有蘄廣匪
徒何致祥等通賊謀逆首要各犯悉已就獲懲辦地
方安靜情形謹合詞恭摺具奏伏祈 皇上聖

鑒訓示謹 奏

奏陳逆匪糾合捻眾上犯楚軍會剿大勝情形

疏 十一月十六日督發

竊楚軍分駐皖北圍攻安慶桐城下游援賊屢圖上
犯迭經臣官文臣胡林翼咨商多隆阿李續宜各軍
節節布置嚴密戒備嗣據探報逆首陳玉成卽四眼
狗聚集定遠六安股匪勾結捻首龔瞎子孫葵心等
各率悍黨號稱十數萬自舒城廬江等處上竄十月
初旬漸竄桐城於縣屬西南數十里之挂車河望鶴
墩香鋪街尊土庵棠梨山等處築壘四十餘座包絡
山岡佔踞民房圖解安慶之圍先是副都統多隆阿
圍攻桐城未下知援賊將大至乃列營於挂車河之
西嚴陣以待十月十四日逆賊傾巢出隊於挂車河

東以誘我師多隆阿亦遂令各營列隊觀其動靜詎該逆見我軍出卽分數千人踰河來撲多隆阿當派參將趙旣發率勝勇營都司藍斯明率飛虎右營併力迎擊該逆抗拒鏖戰數時之久我軍愈戰愈奮賊力不支紛紛敗退河東其大隊亦隨收去多隆阿因天氣漸晚傳令各營收隊是役也殺賊三百餘人賊鋒少挫此十月十四日接仗獲勝之情形也二十三日陳逆復率捻匪於挂車河之望鶴墩增築營壘多隆阿因派親兵開化精選前三營由中路出擊精選中左兩營繼之飛虎中左右三營由左路挂車河出

擊勝勇年字二營繼之茂字義中新左三營由右路
老梅樹街出擊精選右營左仁營繼之均列隊河畷
忠字建威新中新右四營均令列隊畷中爲三路接
應并派協領溫德勒克西率吉林二起黑龍江二起
西丹一起伏於挂車河西協領金順率吉林六起黑
龍江八起伏於老梅樹街之後吉林八起居中策應
該逆見我軍隊伍整齊仍以大隊列於山岡趕修營
壘多隆阿復派參將姜玉順率開化營進逼誘敵該
逆亦分三路蜂擁下山逾河來撲我軍分途接仗奮
勇直前賊亦愈戰愈眾鏖戰四時之久多隆阿見該

逆抵死抗拒當卽飛調溫德勒克西金順率所伏馬
隊飛騎撲擊多隆阿親率吉林八起從中衝出鎗箭
齊施該逆紛紛潰奔壘中我軍因天晚收隊是役也
三路共殺賊一千餘人生擒十八名奪馬七匹旂幟
刀矛無算此二十三日接仗斬獲之情形也二十四
日安撫按察使李續宜先與多隆阿約將青草壩一
軍畱三成隊守老營以七成隊移駐距老梅樹街四
里之小松園一帶分布駐紮二十五日計商多隆阿
馬步大軍張旂出隊誘賊李續宜一軍捲旂伏於老
梅樹街新安渡各處詎該逆嬰壘不出待至初更始

行收隊而是日經多隆阿督飭馬隊搜殺在鄉打館之賊擒斬無數二十六日賊於新安渡突出圖犯湘軍小松園營盤李續宜飭蕭慶衍等伏兵並起疊出接戰多隆阿亦親督馬隊飛馳而來馬步會剿傷賊甚多二十七日多隆阿遂親至李續宜營約定次日以一軍從上面挂車河等處打下以一軍從下面新安渡等處打上成夾攻之勢二十八日黎明李續宜所帶湘軍分兵入路以第一路爲左路第八路爲右路其餘皆爲中路令候補通判吳廷華等率新仁營選鋒前營爲第一路伏於老梅樹街之後令候補副

將周忠容等率新左營湘左營爲第二路令候補副將王載駟等率元中營毅右營爲第三路令候補副將彭炳武等率剛右營信中營爲第四路令候補副將蕭慶衍等率貞中營爲左營爲右營爲第五路均分排於新安渡之上令總兵胡裕發等率副左營元右營爲第六路令候補副將成得升等率副前營貞左營爲第七路均分排於新安渡之下令候選知府歐陽正墉率發右營候補副將李續遠率強右營爲第八路繞出徐家河張子灘葉家河等處以包賊後統計列陣八路縣亘二十餘里又以候選同知毛有

銘候補副將楊啟益候補參將王桐柏率中營右營
策應各路又以候補副將王聯芳率親兵營與多隆
阿撥來馬隊二百名均從第二路之左衝殺部署既
定皆捲旂從容分道而進賊眾傾巢而出旂幟森立
礮子如雨爲併力死拒計而官軍愈戰愈奮大呼陷
陣藍翎外委王品祥外委劉楚泰等首先衝入登時
陣亡游擊朱吉玉繼進子傷左手而將士等積憤生
勇銳不可當霎時破盡棠梨山尊土瘞等處賊壘追
逼香鋪街適多隆阿所統馬步各軍亦分四路會勦
令參將石清吉等率飛虎中營飛虎左營儘先都司

藍斯明等率飛虎右營新中營候選從九品楊德峻
率新左營已革副將續保都司銜朱希廣率新右營
由中路出圍攻望鶴墩賊壘入座該逆死守不出我
軍且圍且攻爲牽制之計又令都司雷正紹等率精
選中前左右四營並派儘先參將直隸杜勝營都司
曹克忠率忠字營儘先游擊梁洪勝率義中營儘先
參將湖南守備趙旣發率勝勇營爲左路由掛車河
繞至廖岡襲賊後路又令推補游擊余福象等率親
兵開化等營補用副將黃勝日率左仁營兵部候補
七品筆帖式李雲麟率建威營由右路出擊令溫德

勒克西等率吉林二起黑龍江二起世襲佐領富慶
阿之黑龍江西丹四起由挂車河直至范岡更出左
路精選等七營之左襲賊後路令金順等率吉林六
起黑龍江八起爲各路策應派卽補佐領防禦雙福
率吉林八起隨湘軍進剿部署既定分途而進多隆
阿率右路親兵等六營暨金順所部馬隊由棋盤嶺
望鶴墩之右直進香鋪街與賊接戰我軍馬步橫衝
直擊霎時斬殺殆盡維時李續宜督率馬步已破棠
梨山等處賊壘提戈馳至與多隆阿各營會合裹賊
於中正在酣戰之際其雷正綰率左路七營由廖岡

溫德勒克西所部三起馬隊自范岡均由後路齊至
各兵勇奮氣倍增諸路並進刀矛躍舞鎗箭齊施呼
聲動天地圍殺約三時之久賊屍枕藉流血成渠其
逃出之賊分路奔竄多隆阿卽令馬步各軍追殺二
十餘里然後收隊其石清吉率中路等六營亦已攻
破賊壘四座斬殺無遺是役也各軍奪獲大礮二十
五尊騾馬三百餘匹擡鎗鳥鎗刀矛旂幟無算共殺
賊八九千名其溺水死者又二三千名生擒長髮老
賊一千三百餘名解散脅從一萬三四千名破賊館
百餘處踏平賊壘四十餘座此十月二十八日多隆

阿李續宜兩軍會剿大獲勝仗之實在情形也是夜三更後賊卽全數棄壘逃走二十九日官軍將所餘賊壘悉焚毀之多隆阿親督馬步躡尾追剿殺賊又四百餘名十一月初二日多隆阿與李續宜皆率所部出至桐城該逆抵死固守踞城不出官軍當各收隊回營現據探報陳逆及捻首龔瞎子孫葵心等皆逃竄廬江懷桐城內之賊援絕勢孤雖尙負固死守不久卽當殲滅等情由多隆阿李續宜馳報前來臣等查陳逆四眼狗以逆眷困於安郡圖解重圍輒糾合悍捻十餘萬眾築壘四十餘座併力上犯實屬兇

發非常若非仰仗

聖主威德將士齊心用命以

少克眾必至逆勝愈張楚邊震動於東征全局所關
實大多隆阿李續宜和衷共濟聯兩軍數萬士卒爲
一心謀定後制出奇制勝旬日之內殲除大股賊匪
厥功甚偉多隆阿李續宜應如何獎勵之處出自

天恩所有戰功最著之副都統銜齊齊哈爾城廂
白旂協領溫德勒克西副都統銜儘先卽補協領吉
林伯都訥廂紅旂佐領金順均擬請以副都統

記名簡放吉林烏拉布特哈廂白旂佐領委營總官
平阿擬請以協領儘先卽補並請 賞加副都統

銜總兵銜補用副將四川梁萬營都司雷正紹擬請
免補副將以總兵 記名簡放副將銜儘先補用

參將湖南永綏協標螺螄壩守備趙旣發儘先參將
陶茂林副將銜儘先參將王可升儘先補用參將直
隸杜勝營都司曹克忠均擬請免補參將以副將儘
先補用儘先游擊梁洪勝儘先補用游擊湖南衡州
協左哨千總王萬年均擬請免補游擊以參將儘先
補用並請 賞加副將銜儘先都司譚仁芳擬請
免補都司以游擊儘先補用並請 賞加參將銜
都司銜儘先守備湖北宜昌鎮標左營左哨千總王

允昌左手受鎗子傷尤爲出力擬請免補守備免升
都司以游擊儘先補用並請 賞加副將銜副將

銜儘先補用參將劉寶國擬請 賞加勇號總兵

銜候補副將蕭慶衍擬請免補副將 交軍機處

記名遇有總兵缺出請 旨簡放新授湖南鎮守

鎮總兵胡裕發擬請 交部從優議敘總兵銜候

補副將彭星占擬請免補副將以總兵 記名開

放候補副將借補湖南綏靖鎮標中軍游擊主載駟

候補副將周忠容趙太和均擬請 賞加總兵銜

候補副將郭鵬程擬請 賞給勇號副將銜候補

參將林貴廷擬請免補參將以副將儘先推補候補游擊朱吉玉擬請免補游擊以參將儘先推補並請

賞加副將銜藍翎同知銜湖北候補通判吳廷

華擬請免補通判以同知仍畱湖北遇缺卽補並請

賞換花翎其餘在事出力人員可否由臣等查

明擇尤保獎出自逾格 恩施其陣亡之吉林六

起滿洲廂白旂披甲花翎額外驍騎校豐伸吉林八

起伯都訥廂黃旂披甲藍翎普奇顯又藍翎外委王

品祥外委劉楚泰六品藍翎軍功呂志國向昌志皆

係百戰百勝均請 敕部從優議卹以慰忠

魂此外陣亡受傷員弁兵勇另行查明分別辦理合
併陳明所有兩軍擊退大股援賊情形謹繕摺由驛
馳奏

上諭官文胡林翼奏逆眾圖援懷桐楚軍會剿大獲勝仗
一摺 剿辦甚爲得手多隆阿李續宜和衷共濟出奇
制勝實屬調度有方多隆阿著賞穿黃馬褂李續宜著
賞加二品頂戴在事尤爲出力之協領溫德勒克西儘
先佐領金順均著以副都統記名簡放佐領委營總富
平阿著以協領儘先卽補並賞加副都統銜都司雷正
紹著免補副將以總兵記名簡放儘先參將趙旣發陶

茂林王可升曹克忠均著免補參將以副將儘先補用
儘先游擊梁洪勝王萬年均著免補游擊以參將儘先
補用並賞加副將銜儘先都司譚仁芳著免補都司以
游擊儘先補用並賞加參將銜儘先守備王允昌著免
補守備免升都司以游擊儘先補用並賞加副將銜儘
先參將劉寶國著賞給銳勇巴圖魯名號候補副將蕭
慶衍著免補副將交軍機處記名遇有總兵缺出請旨
簡放總兵胡裕發著交部從優議敘候補副將彭星占
著免補副將以總兵記名簡放王載駟周忠容趙太和
均著賞加總兵銜郭鵬程著賞給銜勇巴圖魯名號候

補參將林貴廷著免補參將以副將儘先推補候補游
擊朱吉玉著免補游擊以參將儘先推補並賞加副將
銜候補通判吳廷華著免補通判以同知仍留湖北遇
缺卽補並賞換花翎其餘在事出力人員準其擇尤保
奏候朕施恩陣亡之滿洲廂白旂披甲額必驍騎校豐
伸伯都訥廂黃旂披甲普奇顯外委王品祥劉楚太六
品軍功呂志國向昌志均著交部從優議卹欽此

再此次逆捻自九月內竄擾壽州六安六安州爲鄂
省東北邊境入寇之道盜賊詭計欲見形於東北牽
動我懷桐大軍厚集東北而因以全力解安慶之圍

及見我軍不動乃會合以趨桐城而仍分股萬餘人

以竄霍山

臣

胡林翼當以統帶昌營之候補副將余

際昌率所部分駐霍山之黑石渡三石嶺等處兵力

單薄旋飭管帶貞右營記名總兵湖南乾州副將成

大吉由羅田之松子關移駐霍山之諸佛庵以爲聲

援又飭令統帶亨中營之儘先補用副將楊富有統

帶元左營之儘先副將劉長槐由英山移往諸佛庵

添助成大吉一軍又飭令鄖陽城守營守備孟麟鄖

陽鎮前營守備李克儉將所統鄖陽馬隊三百人由

英山往助余成兩軍並飭令固守險隘相機進剿旋

於十月初六日據余際昌成大吉會稟霍山之賊盤踞城東門三板橋一帶該副將等連日會勦屢有斬獲因賊勢頗怯遂於初五日夜三更後分三路進攻孟麟李克儉所帶馬隊由中路進而以署霍山縣令張組所帶團練隨後接應余際昌一軍由右路從黑石渡潛進成大吉一軍由左路從戴家河潛進因三板橋賊壘營棚多用稻草蓋搭該馬隊逼近賊營用鎗火攻撲霎時火起賊不知我軍虛實該副將等左右夾擊斬首二百餘人奪獲器械無算賊眾悉逃奔舒城以兵少故未窮追現在霍山境界已無賊蹤

我軍惟花翎儘先守備王占先奮勇當先賊用大礮轟擊受傷最重登時陣亡又陣亡六品軍功王占魁一名等情前來據此所有霍山分股來犯之賊同時剿退陣亡之花翎守備王占先死事最慘相應仰懇天恩飭部照都司例從優議卹六品軍功黃占魁請照外委例議卹以慰忠魂合併附陳

請緩提漕折銀兩暫資飢軍接濟疏 十二月初

四日

竊於咸豐十年八月十三日準軍機大臣字寄八月初五日奉 上諭戶部奏酌提各省漕折銀兩採

買糧石以實倉儲一摺京倉爲根本至計兵民口食攸關亟應廣爲籌畫現在湖北軍務肅清閩粵安業所有應征各款自可照舊徵收著官文胡林翼將漕折銀提解十萬兩務於年內一律解京並將提解銀數日期先行奏報等因欽此又於十年十一月十二日準戶部咨開本部具奏籌辦京倉一摺十一月初七日奉 硃批依議速行欽此恭錄咨行遵照奏案迅將前項漕折銀兩限年內儘數解京勿稍遲誤各等因 臣等於疊次奉準部文之日卽諄飭司道等竭力籌解嗣據司道糧臺會詳現在楚省雖已肅清

而征皖馬步六萬餘人每月軍餉及製造卹賞等項約需銀四十餘萬兩吳蜀阻兵鹽茶釐金均形短絀各省協餉任催罔應虧短月餉至二百餘萬兩曾經陸續奏明在案前於十月十一日欽奉 上諭

前因部庫需餉孔亟當諭直隸山東河南各解銀二十萬兩山西陝西各解銀三十萬兩湖南湖北四川各解銀十數萬兩星夜赴京交納現在部庫罄竭京師需餉浩繁著直隸山東山西河南陝西湖北湖南四川各督撫嚴飭藩司迅將前撥各餉無論何款如數動撥陸續批解徑赴戶部交納等因欽此臣等謹

將道庫征存南折銀挪解六萬五千兩連所征洋蕪
稅銀三萬五千兩湊足銀十萬兩分批委解赴部庫
交納以應急需並於十月初八日恭摺 奏報欽奉

硃批戶部知道欽此欽遵在案竊查湖北漕折

銀兩額征不過十餘萬兩迭經 奏請專濟征兵行

糧本年皖省前敵征兵積欠口糧至六七月不等飢
軍嗷嗷所有各州縣陸續解來漕折銀兩勢不得不
暫資接濟以救眉急合無仰懇 聖恩垂念征皖

各軍亦關緊要俯準將湖北漕折銀兩暫予緩解仍
俟明年酌察軍情設法籌解不敢久延據糧臺司道

等會詳請奏前來臣等覆思京倉關係根本至計萬
不可致有匱乏臣等受 恩深重豈敢稍同膜視
惟是鄂省前敵征兵攻圍安慶扼禦援賊目下首逆
僞英王陳玉成雖經挫敗尙能收集餘燼調發江南
勇股全力西犯圖解重圍防剿正當喫緊各營將士
歲暮飢寒若不竭力搜括移挪稍爲敷衍勢必有潰
散之虞惟有籲懇 皇上天恩俯念飢軍困苦情
形將漕折一項暫緩提解一俟懷甯桐城克復皖省
軍務稍定能否酌裁勇丁卽當設法籌畫趕緊完解
以固根本萬不敢稍存玩忽之見致有貽誤謹合詞

恭摺具 奏

殊批軍餉因屬緊要京師尤爲根本之地著先行迅解五
萬兩下餘銀兩準其暫緩戶部知道欽此 十二月二十

八日奉

再安慶爲江表咽喉實平吳之根本安慶未復水陸
阻梗不能直抵金陵且首逆陳玉成因賊眷悉在安
慶城中邀合髮捻十餘萬人竭力上竄圖解城圍十
月十四至二十八等日經多隆阿李續宜合軍力戰
獲勝業經馳奏在案惟逆匪雖經敗挫仍分屯廬江
桐城脅制其眾使不潰散又復糾集下游金陵蘇常

援賊并力上犯逼近樅陽分擾桐城鄉村吶吶以伺
我軍之瑕釁而將挾江南賊勢之全力以謀楚軍也
刻屆冬令安慶城河水涸道路紛歧四路羽書告急
將有應接不暇之勢皖南浙江之賊亦分三大枝竄
入江西臣會國藩祁門各營圍裹於中勢頗危急潮
南道州賊匪亦且竄入江西上游內地大江兩岸風
鶴驚傳昔年金陵屯有重兵賊尙爲所牽綴不敢悉
力西竄今則益無忌憚矣臣等鑒於金陵圍城之失
故以萬四千五百人圍城又以二萬餘人應援賊以
一萬數千人防山險而水師馬隊及分防南岸各營

尙不在此數內皖楚交界袤斜五百里山內山外歧
路有歧防不勝防又仿傅鼐制馭苗蠹之法修建礮
卡數百處以節兵力而固民志蓋賊既陷吳勢必全
力犯楚楚軍不支則襄陽鄖陽與陝西之武關荆子
關切近非屯宿重兵不能防禦陝西河南設有震驚
則且增兵募勇所費乃益多也至本年欠餉之鉅實
由分兵一萬八千餘人應援皖南浙江淮揚等處裹
糧相從又復增募新勇以補其闕湖北通省之錢漕
不及江南浙江一郡之額亦不及河南山西額賦三
分之一民力幾何飢困殆所必至可否懇請
恩

施逾格俯準以漕折協濟征皖水陸各軍兵餉出自

聖裁又臣等於九月初三十月十二等日兩次

奏請陝西山西四川三省援照成案按月協濟皖軍兵餉銀五萬兩廣東山東按月協濟兵餉銀三萬兩均荷 恩旨俞允而各省並無報解文書應請

皇上天恩飭下嚴催以救飢軍而全大局臣胡

其翼自十月初三日猝中風寒病勢頗劇以軍情喫

緊未敢偷安請假刻下賊援安慶桐城甚急臣於拜

摺後力疾馳入太湖與懷桐各軍聲勢聯絡其潛山

桐城舒城山險及英山霍山羅田麻城蘄州蘄水山

內礪卡一律告成仍派兵分防以杜侵軼合併附片
陳奏

胡文忠公遺集卷三十九終

胡文忠公遺集卷四十

長沙鄭敦謹

編輯

湘鄉會國荃

請緩徵各州縣漕糧疏

十年十二月初四日

竊查前準部咨嗣後蠲緩漕糧於地丁摺外另行具摺候

旨遵辦等因湖北省濱江各屬咸豐十年

夏秋被淹受旱暨水衝沙壓各區現經

臣等將錢糧

南米等項勘明已未成災輕重情形另摺

奏請分

別蠲緩展緩外惟公安沔陽漢陽黃陂天門雲夢江陵石首監利松滋等州縣尚有應徵漕糧力難輸納

據升任藩司嚴樹森兼署糧道唐訓方轉據該管道
府結報會詳請緩前來臣等覆加查核無異合無仰
懇 天恩俯準將成災十分之公安縣東一等三
十二里申梓等三洲應徵十年漕糧緩至十一年秋
後分限三年帶徵成災五分之沔陽州梅公等一百
二十七垸應徵十年漕糧緩至十一年秋後分限兩
年帶徵勘不成災被淹較重之沔陽州十一墩等八
十三垸漢陽縣白釜池等八區黃陂縣牛湖等二十
五社天門縣田灣等三十六垸淖潑等八垸沈湖等
二十七垸內最低之一百四十一甲雲夢縣永保等

四會江陵縣王家等五十一垸下長洋等三十一垸
石首縣一部等三十一坊浣監利縣崇林等一百五
十三垸越子等三十二垸內末澗各區松滋縣中二
等十二都內末澗各區並一所等八所各應徵十年
漕糧緩至十一年秋後限一年帶徵其各屬原緩六
七八九等年漕糧均請分別遞展一年帶征以廣
皇仁而紓民力理合恭摺具 奏

請分別蠲緩各州縣新舊錢糧等項疏 十二月

初四日

竊照楚北素稱澤國地勢低窪咸豐十年夏秋水漲

濱江各屬田地多被漫淹並有缺雨受旱之處又荆
宜兩府入夏以來陰雨連朝川江水漲異常歸州漫
及城根東湖縣水漫入城江陵松滋公安石首監利
等縣民隄漫潰各縣附近都皖並枝江宜都二縣近
水田地亦俱被淹公安縣水高城牆丈餘闔邑被淹
江湖連成一片又襄河漢水陡長二丈餘尺天門縣
屬之紅沙廟峯口頭兩隄漫潰成口皖田被淹並灌
入沔陽州之通順河隄帶淹各皖雲夢縣聯升會民
隄漫刷成口附近各會與漢川縣低窪各皖均被帶
淹據各該州縣先後稟報均飭道府親勘加結詳辦

並經臣等專摺馳奏各在案茲據該管道府稟報除歸州東湖宜都三州縣地勢較高水退尙早無誤秋成毋庸查辦外實勘得公安縣東一等三十二里申梓等三洲本年夏汎異漲闔境被淹全隄漫潰城內水深丈餘及八九尺不等現在低窪之處尙未濶出探量水深五六尺秋收失望民情極爲困苦成災十分又沔陽州梅公等一百二十七垸居通城等湖腹內夏秋江水陡漲衝潰垸隄各垸被淹現值冬令水深數尺難期補種情形極重成災五分又十一墩等八十三垸夏汎均被帶淹雖不致成災而積水未

消情形較重又金馬等一百九十一垓入秋以來陰
雨過多收成歉薄情形較輕嘉魚縣廣賢等八里暨
九洲九屯本年水勢較大被淹日久秋收歉薄情形
較輕漢陽縣白金池等八區地勢最低本年被淹較
早均屬一片汪洋情形較重又菱角湖等八區久沈
釜底台頭等十八區沿河傍湖秋採水勢未退情形
次重程家山等十三區被淹後閒有涸復尚可補種
情形較輕漢川縣喝城等三十五垓畝因上游河水
迭次漲發隄潰水退甚緩秋成失望情形較重又竹
筒等十二垓畝地勢稍高前被漫淹現漸涸出補種

情形較輕黃陂縣牛湖等二十五社夏初漫淹秋汛復漲水勢未退難期補種情形較重又夏家嘴等二百零四社歷被賊擾又因大旱之後民間元氣未復情形較輕孝感縣尙文等四十五社地勢較低夏間山水陡發被淹後涸復補種又尙義等一百五十七社因秋後缺雨收成歉薄情形均屬較輕黃梅縣金林等三十五鎮歷被賊擾本年被水帶淹民力拮据情形較輕鍾祥縣河鄉楊林等二十村莊湖鄉鐵牛埂等二十六村莊頻年積淹本年夏秋復被淹沒情形較重又河鄉南湖等三十村莊塘港等五村莊又

湖鄉龍山觀等七十六村莊董家壩等五村莊本年
被淹後涸復補種收成歉薄情形較輕京山縣吳集
等二十五團頻年積淹本年山水漲發積水無從宣
洩已涸之區沙厚泥深亦難翻種情形較重又水田
湖等十團羅漢寺等六團被淹後涸復補種收成歉
薄情形較輕潛江縣文慈等十二垸泥伏崔家等六
十六垸本年夏秋被雨潰淹收成歉薄情形較輕天
門縣田灣等三十六垸淖潑等八垸因襄河紅沙壩
隄潰致被淹沒又沈湖等三十七垸內最低之一百
四十一甲係頻年淹漬本年又復被淹情形較重沈

湖等三十七垸內較高之九十一甲被漬後涸復補種又未經被淹被漬各垸多係節年緩徵之區本年收成又形歉薄情形均屬較輕雲夢縣永保等四會夏秋襄南二水同時併漲從下游潰口倒灌致聯升民隄潰漫被淹情形較重江陵縣王家等五十一垸下長洋等三十一垸地勢最低因潛江縣屬之羅家到潰口水勢倒灌被淹無從宣洩情形較重南湖中洲等七十二垸吳家橋等二垸頻年積淹本年襄水復漲積水難消情形次重東洲等十七垸象湖等三垸麻家等三十一垸被淹後現雖涸復收成究屬歉

薄情形較輕石首縣一都等三十一坊垸本年夏汛
異漲致被淹沒現仍水深數尺情形較重九嶺等三
十坊垸係上年被淹之區元氣未復情形較輕監利
縣崇林等一百五十三垸越子等三十二垸內未涸
各區頻年積淹本年江隄漫潰水勢內注無從消洩
情形較重其越子等三十二垸內已涸各區補種稻
遲收成歉薄情形較輕松滋縣中二等十二都內未
涸各區並一所等八所因下游江陵縣隄潰倒灌難
以消洩情形較重其中二等十二都內已涸各區補
種歉收情形較輕枝江縣青夾等十七洲垸地最低

窪夏秋被水淹沒開有衝坍沙壓情形較重長太等
十坑沙溪坪等四區被淹後涸復補種情形較輕荆
門州馬下二等三圖內江家灣等十區馬上三等十
圖內萬家嶺等二十一區夏間襄水泛漲被淹日久
未能補種情形較重馬下一等十二圖內晏公廟等
三十四區地勢稍高被淹後涸復較早情形較輕又
江夏縣城廂內外之崇通稍水等屯並漢陽居仁由
義崇信三坊房屋被賊燬盡居民雖漸次歸來而大
廈基址多係荒蕪又羅田縣栗子坳等六十區迭遭
賊擾元氣未復又廣濟縣泰東永東靈東等三鄉道

光二十八九等年大水潰隄該三鄉之石牌崗汪家
蓬黃花蓬各處田地或衝坍成河或沙壓五六尺不
等黃梅縣潘興口費楊邱三圩嚴家洲等處民田並
毗連蘄州衛屯坐該縣黃鳳鳴許登雲二處屯地逼
臨大江道光三年十一年兩次汎漲江隄衝潰各該
處田地逐漸坍塌殆盡餘地復被沙壓該二縣額徵
咸豐九年民賦屯餉漕費蘆課等款銀米均經按年
奏請緩征在案本年各該處軍民迭赴院司以困
地坍沒沙壓頻年糧賦無出困苦異常呈請長緩委
據黃州府知府周炳鑑親詣該二縣勘明結報各該

處沙壓田地實係一片白沙瀾望無際難以翻挑其
隄佔挖廢民地並無欺隱衝塌地畝水深數丈亦未
淤復無從啟徵以上公安沔陽嘉魚漢陽漢川黃陂
孝感黃梅鍾祥京山潛江天門雲夢江陵石首監利
松滋枝江荊門等十九州縣內公安縣東一等三十
二里申梓等三洲並沔陽州梅公等一百二十七垸
被水成災餘俱勘不成災係屬被淹受旱積淹歉收
並屯坐各衛軍田輕重情形相同暨江夏漢陽二縣
房屋基址多係荒蕪羅田縣賊擾元氣未復廣濟黃
梅二縣及蘄州衛屯坐該縣民屯田地坍塌空廢沙

歷委無捏飾情弊由升任藩司嚴樹森兼署糧道唐訓方酌擬分別蠲緩展緩新舊錢糧南米會詳請

奏前來臣等伏查州縣遇有水旱災傷例應勘明分數分別撫賑蠲緩如不成災亦請緩徵遞展本年湖北各州縣祇公安縣全境被淹成災十分沔陽州成災五分例應撫賑惟現值庫藏支絀軍餉不繼實難籌辦已飭該勘紳富就地賑濟好爲安撫俾免失所其應徵錢糧等項同勘不成災各屬應征各款若責令照常完納民力實有未逮除請緩漕糧另摺請旨外合無仰懇 天恩俯準將成災十分之公

安縣東一等三十二里申梓等三洲應徵十年錢糧
南米屯餉蘆課等項照例蠲免七分蠲贖銀米一併
緩至十一年秋後分限三年帶徵成災五分之沔陽
州梅公等一百二十七垸應徵十年錢糧南米照例
蠲免一分蠲贖銀米一併緩至十一年秋後分限兩
年帶徵勘不成災被淹較重之沔陽州十一墩等八
十三垸漢陽縣白釜池等八區漢川縣喝城等三十
五垸岷黃陂縣牛湖等二十五社鍾祥縣河鄉楊林
等二十村莊湖鄉鐵牛埂等二十六村莊京山縣吳
集等二十五團天門縣田灣等三十六垸淖潑等八

坑沈湖等三十七坑內最低之一百四十一甲雲夢
縣永保等四會江陵縣王家等五十一坑下長洋等
三十一坑石首縣一都等三十一坊坑監利縣崇林
等一百五十三坑越子等三十二坑內未涸各區松
滋縣中二等十二都內未涸各區並一所等八所枝
江縣青夾等十七洲坑荆門州馬下二等三圖內江
家灣等十區馬上三等十圖內萬家嶺等二十一區
各應徵十年新賦錢糧南米蘆課隄閘河費閑丁租
餉等項一併緩至十一年秋後限一年帶徵其各屬
原緩舊欠各項除雲夢縣七八兩年帶徵六七兩年

銀米仍應照常徵解外該縣九年帶徵六年同各州
縣原緩六七八九等年銀米及蘆課隄閘各款分別
遞展一年帶徵又次重之漢陽縣菱角湖等八區台
頭等十八區江陵縣南湖中洲等七十二垸吳家橋
等二垸除十年南米照常徵收外請將應徵十年新
賦錢糧蘆課隄閘河費閑丁租餉等項一併緩至十
一年秋後限一年帶徵其應帶徵九年緩徵銀米蘆
課隄費等項展至十二年秋後限一年帶徵原緩六
七八等年銀米蘆課隄費等項請俟九年緩徵銀米
徵齊後再按最先年分遞年帶徵較輕之沔陽州金

馬等一百九十一垧嘉魚縣廣賢等八里暨九洲九
屯漢陽縣程家山等十三區漢川縣竹筒等十二垧
販黃陂縣夏家嘴等二百零四社孝感縣被淹之尙
文等四十五社及受旱之尙義等百五十七社黃梅
縣金林等三十五鎮鍾祥縣河鄉南湖等三十村莊
塘港等五村莊並湖鄉龍山觀等七十六村莊董家
塢等五村莊京山縣水田湖等十團羅漢寺等六團
潛江縣文慈等十二垧泥伏崔家等六十六垧天門
縣沈湖等三十七垧內較高之九十一甲江陵縣東
洲等十七垧象湖等三垧麻家等三十一垧石首縣

九嶺等三十坊垸監利縣越子等三十二垸內已湖
各區松滋縣中二等十二都內已湖各區枝江縣長
太等十垸沙溪坪等四區荊門州馬下一等十二團
內之皇公廟等三十四區各應徵十年新賦錢糧南
米等項及孝感縣尙文等十九社原緩七年錢糧並
京山縣水田湖等八團羅漢寺等六團已經啟徵原
緩六七八等年錢糧照常徵帶請將各屬六年起應
行帶徵銀米及蘆課隄閘各款分別遞展一年帶徵
天門縣未經被淹被漬各垸原緩六七八等年銀米
同石首縣沙湖垸三四甲原緩九年銀米等款均展

至十一年秋後分別遞年帶徵各屬五年以前有無
遞緩帶徵之項應照 奏案俟清查完竣另行查辦
至武昌等衛軍田應徵應緩銀兩均照屯坐各州縣
一律辦理又江夏縣崇通稍水等屯應徵十年分楚
課正銀三百五十八兩四錢一釐請緩至十一年秋
後帶徵未完帶徵九年分正銀三百五十八兩四錢
一釐同八年分原緩銀兩一併遞展一年漢陽縣居
仁由義崇信各坊應徵十年門攤地課銀兩應請照
額先徵一半其餘一半銀兩亦請展至十一年秋後
帶徵八九兩年所緩銀兩並請遞展一年羅田縣粟

子坳等六十區被擾之後元氣未復本年應帶原緡六年錢糧漕南二米仍請緩至十一年秋後再行啟徵又廣濟縣泰東永東靈東等三鄉水衝沙壓上中下則田地應徵民賦錢糧正耗銀一千八百六十九兩六分四釐漕米二百七十八石九斗三升二合五勺耗米二十七石八斗九升三合三勺南米四百三十五石八斗五升五合六勺耗米四十三石五斗八升六合六勺黃梅縣潘興口費楊邱三圩嚴家洲等處水衝沙壓空廢田地應徵民賦正耗錢糧銀七百九兩六錢九分南折驢腳隨漕錢糧正耗銀二百一

兩入錢八分九釐漕米五十六石一斗二合一勺耗
米五石六斗一升二勺蘄州衛屯坐黃梅縣境黃鳳
鳴許登雲二處水衝沙壓中則屯地應徵屯餉正耗
銀八十兩七錢八分六釐軍安正耗銀一十兩八錢
四分二釐幫費銀一百七兩九錢七分六釐加津銀
三十兩一錢八分二釐請自咸豐十年爲始並廣濟
縣未完原緩咸豐八九兩年舊欠銀米暨黃梅縣蘄
州衛未完八年錢漕及原緩九年舊欠銀米一併準
其展緩俟各軍民力能翻墾及淤復之日再行啟徵
以廣 皇仁而紓民力除被淹成災州縣及廣濟

黃梅二縣並蘄州衛衝坍沙壓各民屯田地飭取頃
畝冊結另行 題送外所有勘明公安沔陽二州縣
被淹成災分數暨嘉魚等州縣被淹受旱勘不成災
輕重情形分別蠲緩新舊銀米緣由理合恭摺由驛
具 奏伏乞 皇上聖鑒訓示再 臣等與司道因
恐情形不確往返駁查至再至三並因 臣胡林翼督
師皖邊堵剿逆匪是以奏報稍遲合併陳明

請仍減成收捐以救飢軍疏 十二月二十五日

咸豐十年十月二十一日準戶部咨議復 臣奏請減
成收捐一摺議稱捐項減四成六成係捐銅局章程

若援照辦理有妨京捐擬照江蘇福建安徽凡實職
虛銜貢監減二成再減一成升銜各項減四成再減
一成捐米每石作銀四兩四錢捐米者照米核算捐
銀者照銀核算奉 硃批依議欽此竊臣於八月

十九日因軍餉久欠未發奏請減成收捐數日後探
聞援賊將至督臣官文見兵勇索餉情急恐滋事變
於九月初三日附片 奏明萬難緩辦先將原存執
照比照奏請減成章程收捐奉 旨戶部查照辦

理欽此卽派各營員及地方各官四出勸諭自九月
初至十月中旬據委員報捐數目總計尚不及千金

旋準部文議駁仍請飭各委員卽照部駁章程設法
勸諭迄今兩月因捐價稍昂苦心開導迄無成數前
十月杪援賊十餘萬來援懷桐臣傳令調兵各勇丁
環跪求多給數日之糧臣曉以大義慰以溫言許其
但能剿退援賊必求聖主恩施廣撥協餉照前
收捐以補積欠幸賴皇上洪福大挫兇鋒而賊

黨益堅兵窮更甚枵腹單衣風雪衝隊飢寒慄慄凍
病交加總計欠餉已二百四十餘萬兩臣籌措無狀
咎實難辭而危迫情形有不能不瀝陳於一君父
之前者深惟部臣之意以爲湖北已就肅清視爲安

靖省分竊念楚皖毗連官軍與賊勢不兩立并無畫疆自守之形勢皖中將士暴露數年皖省一日不平鄂省萬難安枕兼以孫葵心張樂刑等久受髮逆僞職聽其指使倘鄂省有變則逆賊之勢可以西通巴蜀南連兩粵兼可北擾秦豫不獨蘇常永無克復之機也臣所部楚軍與會國藩統帶各營分駐皖南北據江上游逆賊之必集羣兇挾全力以求決勝負於一旦者亦事勢之必然故楚軍之飢潰實非獨湖北一省之關係而所仰資以接濟軍食者則惟湖北錢漕釐金兩項湖北歲入錢糧漕折不過百萬兩除本

省廉俸旂綠營餉僅餘五六十萬益以災荒蠲緩未能如數徵收即使全徵而以五六十萬兩供征兵六萬餘眾之需所少幾至九分釐金賴商賈轉運貨物方可流通湖北自巴蜀大亂來源已無蘇杭迭變去路又塞商賈失業貧民愈苦釐課亦漸就衰竭湖北兵力本難自養今歲援蜀援浙援淮援徽分兵分餉自顧不遑又以大局所關不敢膜視自臣觀之湖北兵事餉事有萬難於武漢未復之時者彼時賊僅據金陵其力未厚其根未深今賊踞富庶要區動挾數十餘萬眾南北兩岸同時並進賊勢既大非昔比官

軍當武漢未復之時山陝湖南四川月有協餉臣至
湖北數年凡有捐項均照通行減二成定例並未議
減今協餉久停前蒙 聖恩準撥山陝廣東月餉

奉

旨已逾四月杳無報解文移

臣減捐之請不

求於武漢未復之前而籲求於今日此實臣無可如

何之末計也至謂減四成係銅局捐例令照江蘇安

徽各章程是僅就減成名目畧計未就捐項實數細

推江蘇收捐錢米折合銀兩未諳其詳福建專捐鐵

錢每銀一兩易錢數十千捐項極減未敢倣行臣紮

營皖邊去安徽壽州約四百里去河南光固不及三

百里歷年親見捐生兩處報捐詢知安徽係捐餉票
河南係捐台票鈔票捐生持銀買票交捐凡例銀一
百兩者安徽需銀一成有餘河南需銀二成名減三
成實不止此臣前請減成之數覈計例銀百兩實需
捐庫平足銀三成有餘如監生一項須足銀三十六
兩零不惟比銅局昂貴即較安徽河南捐數多至加
倍緣錢價過賤餉票鈔票其價更低臣不欲以虛名
賈其實禍故定以庫平足銀實數登記執照以便部
臣查對銀數核銷軍需是名雖多減一成實則增費
於各省若謂恐妨京捐則以近京之皖豫減捐行已

數年均與京捐無礙湖北之捐比皖豫增至加倍且
視皖豫去京尤遠其無礙京捐確有可證况專歸銅
局各條臣並未敢擅請此在部臣總司度支不能不
申明例案而軍事危如累卵不得不急切變通臣自
愧持籌無術致數萬軍士嗷飢號寒環求莫應情狀
日危若不據實敷陳於聖主之前萬一瞻徇遷

延釀成事變貽誤大局補救無及臣罪愈深爲此瀝

陳籲求

慈恩逾格

特賜俯準照臣

前所請

減捐章程凡捐實職虛銜貢監者照例減四成升銜
加級各項減四成遞減二成捐米一石作銀五兩交

折色者每米一石捐銀二兩五錢飯銀照費照例交納均以庫平足銀上兌不準交錢文鈔票餉票等項以防過減其專歸銅局各條並補交四成實銀者仍不準收以裕京餉冀得稍收捐款藉補軍食以拯危機以禦強寇臣一面派員於附營地方勸諭一面填給執照以期捐生踴躍一俟欠餉清釐釐課稍充即行奏請停止所有楚軍飢困非常急待減捐濟餉情形謹會同湖廣總督臣官文恭摺由驛具奏

硃批戶部速議具奏欽此

十一年正月二十三日奉

再兩江督臣會國藩前於夏閒調總兵鮑超等軍渡

江勦皖南賊匪派其弟道員曾國荃訓導曾貞幹留
圍安慶牆壕深堅賊勢漸已窮蹙探聞首逆陳玉成
復糾約李秀成楊七麻子及北路捻匪併力西犯其
大股賊匪均從南岸渡江而北會於無爲廬江以圖
急援懷桐賊勢披猖旬日外必有大戰也提督楊載
福副都統多隆阿臬司李續宜前因安慶樅陽日有
警變均於十二月初八日先後會集樅陽安慶相度
地勢審量賊情布置已定其多隆阿李續宜二軍仍
堅扼桐城以備援勦臣於十二月十三日紮營太湖
藉完後路城守並與前路桐城驛報捷近理合附片

奏明

恭謝實授湖北巡撫疏 十一年正月二十二日

咸豐十年十一月二十七日内閣奉 上諭胡林

翼現已服滿著實授湖北巡撫俟軍務完竣再行回

籍補行守制欽此竊 臣以庸下渥荷 恩施負墨

經以從戎捧 溫綸而蒞鄂金革勉從夫公義未

展孺私涓埃無補於 聖朝難辭清議三年竊位

五內懷慚乃蒙 予以真除 重之疆寄拜膺

新命撫封圻而職守更專自顧菲材望江漢而

仔肩彌重 臣惟有殫心省疚力疾從公願迅埽乎櫬

槍庶同登於衽席勵甲士而藉申

天討三軍齊

効馳驅集寅僚而其懍官箴百度惟期修舉所有

警

感激下忱理合恭摺具

奏叩謝

天恩

再

臣體素弱兼以十載戎行積受風溼去年十月舊

疾復作十二月從英山拔營太湖冒雪前進沿途中

寒氣喘痰逆右脅痞塊沈痛晝夜呻吟數月之久未

見痊可據醫云心脾受損葯力難期速效合無仰懇

天恩賞假一月俾

臣

在營調養謹附片具

奏

論胡林翼奏因病懇請賞假一摺湖北巡撫胡林翼著

賞假一箇月在營調理欽此 二月二十一日奉

奏陳大股髮捻竄入英山等處現籌援剿情形

疏二月初十日

竊逆首陳玉成勾結捻首龔瞎子等百計圖解安慶之圍自去歲十月經副都統多隆阿新授安徽巡撫李續宜兩軍剿敗後已不敢窺伺安慶門戶頃據探報逆捻復取道霍山六安商城分擾羅田麻城邊地正飛調各路嚴防詎副將余際昌所領昌營防堵霍山各卡道路紛歧兵單賊眾正月二十九日陳逆大股數萬人從霍之黑石渡繞出昌營之後該昌中營昌前營昌後營昌右營相持四晝夜力竭而潰尙有

三營孤懸三石嶺外竭力固守經營務處孫振銓馳往檄調該昌左營營官游擊李東山昌副中營營官都司徐連升禮左營營官都司蕭翊猶誓以死守復經孫振銓曉諭再四囑其全軍回守天堂始於初二日黎明拔營回守尙無損失而賊匪已長驅而前於二月初四日竟抵英山又據記名總兵乾州協副將成大吉稟報現駐羅田松子關陳逆分股五萬餘人於二月初四日左從平頂山右從五斗坳層層抄入關內當經我軍分頭迎擊又派兵勇從中截出山陘道險賊眾自相蹂躪計斃賊四五千人生擒數十名

該營以二千五百人力拒五萬悍賊殺敵致果獨爲其難惟兵少於賊不止十倍急謀援應猶恐遲滯已咨行副都統舒保帶領馬步千餘倍道兼程前往策應竊楚軍自進剿皖賊以來凡東北接連豫皖之境皆添設礮卡分兵嚴守以防賊之乘虛竄入惟分兵太多欠餉太久武漢蘄黃腹內之地無力添募兵勇此次逆捻大股竄入英山可以上竄漢黃腹地下拊懷桐之背臣胡林翼力疾從軍已閱五月正月二十一日奏懇 聖恩賞假一月在營調治而精神漸減喘息不安勢難親自督陣因急咨商李續宜統領

湘撫各營於二月初六日自青草壩拔隊上援仍留
多隆阿之軍駐桐城挂車河以防桐廬上犯之賊臣
胡林翼仍當固守太湖城池勉自支撐不致奔潰所
有援賊乘虛竄入楚軍回剿大概情形理合恭摺由
驛六百里馳奏

請

飭催山西等省協餉片 二月二十五日

再準部咨咸豐十年十月二十二日奉 上諭官

文胡林翼奏援賊上犯安慶飢軍久困請飭催五省
協餉一摺逆匪陳玉成裹脅賊匪七八萬人蟻附桐
城結營數十里勢將厚集匪黨併力上犯現在楚軍

堵扼安慶一帶力控上游所欠前敵軍餉已逾二百萬兩前會諭令山西陝西四川等省月濟該省餉銀五萬兩並著山東廣東每月各協解三萬兩如期籌撥迄今未據報解當此防剿喫緊之時豈容任意延宕致誤大局著崇恩英桂譚廷襄勞崇光耆齡文煜懍遵前旨迅速籌解務須不分畛域如期接濟毋許推諉稽遲欽此仰見 聖主軫念飢軍眷懷大局之至意當卽咨行山陝四川山東廣東各督撫欽遵迄今尙未接準咨解查楚軍自霍山失利賊卽竄踞黃州不特武漢戒嚴卽麻城黃陂黃安孝感應城各

屬亦紛紛告警而襄陽隨棗等州縣又有豫省捻匪
窺伺全局震動非厚集兵力痛加剿洗必致蔓延日
甚愈難收拾無如楚軍欠餉截至上年十月已二百
餘萬數月以來又增欠八十餘萬刻下藩糧二庫搜
括已盡鹽釐等款又因商民聞警星散無從徵解日
盼鄰省協餉接濟不啻以日爲歲餉者向也兵心之
向背系之當此江西之寇勢正張豫省之捻氛日逼
川省之餘孽未除我楚已有三面受敵之勢又以皖
逆分股狂竄患及心腹雖經臣等策勵各軍分道剿
辦期速殲旃惟仍無餉可恃不特無以責將士奮勇

效命之忱實有飢疲潰散之患查四川山東現均有軍務恐目前未遑兼顧若山西陝西廣東三省似尚不難籌撥以濟楚軍之急誠知山陝等省以京餉爲重極應趕辦藉紓

聖慮而臣等數年來竭兵力餉力以謀皖實欲平定東南今事變迭出不僅楚人之憂臣等焦灼實深合無仰懇

天恩迅飭山西

陝西廣東各督撫臣速卽如數籌撥委員星解來鄂

以後按月接濟一面由楚派員迎提至山東四川兩

省仍令遵 旨籌款協濟以救飢軍以全大局楚

省幸甚謹合詞附陳伏乞 聖鑒速賜施行不勝

迫切之至謹 奏

恭謝 恩賞福字各物疏 二月三十日

臣於咸豐十一年正月十二日由督臣官文咨開準
兵部遞到 恩賞福字一張藍瓣花大荷包一對

小荷包二對銀錢二箇銀鏤四箇食物半分到 臣

當卽恭設香案望 闕叩頭祇領欽惟我 皇上

恩周禹甸熙春其澤夫 醲膏 慶衍箕疇

錫福復頒夫 宸翰分喬雲之一片香溢荷囊

承瀼露於 九重光騰榆莢旣兼金而比重亦挾

纒以同溫况水陸奇珍義不忘乎懷核醜齏美味感

更切於投膠臣惟有勉竭駑駘時深策勵戎幕廣

解推之惠外以獎率三軍疆圻宏覆幬之仁

內以奠安兆庶卽慶機槍速埽五雲呈捧甘之

祥琛賚畢來萬國輸貢珍之悃所有暨感激下忱理

合恭摺叩謝天恩

奏陳髮捻大股犯楚請分別將弁功罪疏三月

初五日

竊逆首陳玉成勾結捻首龔瞎子分犯羅田松子關
經成大吉擊敗陳逆自率大股竄入英山李續宜全
軍回援業於二月初十日州大概情形恭摺馳陳

聖鑒在案。嗣據成大吉陸續報稱逆首陳玉成喉
捻首龔瞎子統帶髮捻五萬餘人分擾羅田之松子
關二月初四日逆賊之左從平頂山右從五斗坳抄
入也成大吉分飭武前營都司曾昭仕武中營游擊
胡以章從右路迎擊發中營副將張運馥隨同成大
吉所帶之貞右營從左路迎擊正酣戰開成大吉暗
令武後營參將王名滔從左側山腰截出賊眾驚潰
我軍奮力衝殺賊眾狂奔墜崖挂木自相蹈藉死者
三千餘人右路之賊亦被曾昭仕胡以章帶隊奮殺
斃賊千餘名計自巳至未鏖戰三時之久共殺賊四

千餘人殺斃騎馬賊目一人小頭目十餘人奪獲偽
印二顆器械旂幟無算生擒數十名餘悉敗退關外
我軍稍有傷亡至初七日辰刻賊更分爲五路一出
五斗坳牽制武前武中兩營一踞中路爲犄角之勢
餘從關左之平頂山分三路包抄武後營牆壘蜂擁
而來成大吉卽派發中營分爲兩路抵禦而自率貞
右營從近壘一路偃旂突出武後營亦派隊出壘助
勦力戰多時賊復敗退追殺數百名生擒一名奪獲
偽印一顆據生擒賊供初四日被官軍殺斃騎馬賊
目卽龔瞎子其黨不服挑選先鋒奮力報仇不料又

敗約兩次接戰我軍傷亡共三百餘名戰士疲勞而賊眾尙多適派防麻城之候補知府梁作楫以所統帶之凱前凱右副後等營分駐長嶺關距松子關僅二十里成大吉卽於初八日辰刻預約長嶺關凱前營參將劉中和凱左營守備蕭玉元副後營游擊陳日元均派六成隊伏於馬鞍腰平頂山之側又飭麻城舉人夏梧帶領練勇伏於關內布置已定申刻賊率全隊由山路排牆而進意欲乘我不備衝入關內以圖分竄成大吉卽飭各營迎頭奮擊一時伏兵齊起賊復敗退我軍乘勝追離關外七八里之觀音塘

始行收隊是夜四更賊全數從松子關外竄逃旋據各路探報捻黨因龔瞎子死散去二三萬人從舒廬而歸於定遠髮逆亦散去數千尙餘三四千人繞道竄入英山羅田交界山中仍往從陳逆合黨此成大吉駐松子關以少勝多屢戰皆捷擊散捻黨之情形也惟余際昌以七營分布霍山之三石嶺樂兒嶺等處僅昌副中昌左禮左三營駐守三石嶺尙能自保而駐守樂兒嶺之昌中昌前昌後昌右四營於正月二十九日同時潰散賊眾一擁而入直走英山援師追剿只隔數日之程而賊遂於初八日乘虛竄陷黃

州亟應分別功罪以示勸懲

記名總兵湖南乾

州協副將成大吉以二千五百人當賊五萬之眾竟
能力扼巖關屢挫兇馘厥功甚偉可否請加提督銜
副將張運馥請加總兵銜參將王名滔游擊胡以章
於上年十月桐城挂車河戰功案內已保副將二人
均請加總兵銜都司曾昭仕於前案內已保游擊加
參將銜請免補游擊以參將儘先補用以昭激勸余
際昌以三千五百人分防霍山關隘不能堅守待援
貽誤大局除三石嶺後二日撤回之三營應免查辦
管帶昌中營副將余際昌昌前營參將楊飛熊昌後

營都司浦本祥昌右營都司李殿元均應請 旨
革職聞於軍營效力以觀後效其副將成大吉各營
陣亡都司尹翠日外委歐正亭軍功楊福堂龍得祥
黃玉魁王先道殷邦明張唐文曾昭松胡大貴李學
山常科名段春發劉有勝李衍堂楊復興應請

旨交部從優議卹以慰忠魂所有查明各路將官功
罪分別勸懲各情形理合恭摺由驛六百里馳 奏

上諭官文胡林翼奏查明將弁功罪分別勸懲一摺粵逆
陳玉成糾合捻逆竄擾湖北羅田松子關經副將成大
吉分路進剿斃賊四千餘名連日賊分五路來犯復經

官軍痛勦殺斃擒首龔瞎子並伏兵追擊餘從關外逃竄副將成大吉以少擊眾殲除大憝厥功甚偉副將余際昌等分防霍山不能堅守待援致令逃匪闖入黃州自應分別功罪以示勸懲記名總兵副將成大吉著賞加提督銜副將張運馥保升副將參將王名滔胡以章均著賞加總兵銜保升游擊都司曾昭仕著免補游擊以參將儘先補用副將余際昌參將楊飛熊都司浦本祥李殿元均著革職畱於軍營效力以觀後效陣亡都司尹翠日外委歐正亭軍功楊福堂龍得祥黃玉魁王先道殷邦明張唐文曾昭松胡大貴李學山常科名段

春發劉有勝李衍堂楊復興均著交部從優議卹以慰
忠魂欽此 三月三十日奉

再 臣於八年冬紮營黃州九年冬移營英山十年冬

因懷甯桐城喫緊進紮太湖而賊遂由英山竄陷黃
州是 臣銳意前路而疏於後慮且皖楚邊防爲 臣一

人專責此次邊防失利腹地空虛 臣胡林翼咎無可

辭應請 旨將 臣交部議處謹附片具 奏

上諭胡林翼奏賊陷黃州自請議處等語此次賊匪竄入
黃州湖北巡撫胡林翼駐紮太湖勢難兼顧所有該撫
自請議處之處著加恩寬免欽此 三



胡文忠公遺集卷四十終